



國家清史編纂委員會・文獻叢刊

清代詩文集彙編



國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 六一五

海國勝遊草一卷天外歸帆草一卷 斌 椿 撰

一

西江遊草偶存一卷 斌 椿 撰

二九

王武愍公遺文不分卷附王燮撰理齋遺文一卷 王恩綬 撰

四七

小滄溟館初集六卷小滄溟館二集九卷小滄溟館三集十二卷

小滄溟館四集六卷小滄溟館五集五卷 朱 瀚 撰

一六七

丹棱文鈔四卷 蔣 彤 撰

五九九

同治戊辰首夏

海國勝遊草

桐城章于錦題

序

東海揚帆風日流麗海以況詩詩不必作於海願乘長風破萬里浪有志於海實未一蹈海亦更不聞有詩往返海中可九萬數千里而有詩蓋自吾友斌友松始友松其中退然

如不勝衣其言呐呐然如不出諸其口比及泛海則發揚蹈厲如鷹之出塵比及為詩則渾脫瀏亮如瓶之瀉春是何意態雄且傑而其言明且清歟往頌能詩者曰有江山助若助之以海以視江山之為助何如觀於海

者難為水觀於海國勝游之詩抑亦
難為詩矣是為序

同治己巳正月九日 溫卿弟董恂頓
首揆於綠肥紅瘦之軒



題辭

楊能格 簡候

堯天胞與徧寰瀛鄭重星槎第一行九萬里餘傳使節
廿三吏外建勛名鮫宮蜃闕供觴詠虎瑟鸞笙管送迎
絕域懷柔資碩彥樓船不藉鄭和兵

周家楣 小棠

海客談瀛州成其詳不可求今君親戾止異境必窮搜

丰采圖麟鳳程途歷斗牛茲行堪不朽高詠兄千秋

世事成奇局艱難古所無波濤識忠信談笑見訐謔應

有良籌在期將 國步扶壯遊君莫謂中夜起踟躕

夏家錦 鉢四

九萬滄溟路遊歸未及年奇聞搜絕域平地見飛仙親
受烏孫拜真探虎穴旋乘查誇犯斗何數漢張騫

談笑風濤裏豪吟氣吐虹是翁真矍鑠此舉亦英雄豈
作傳人想惟存報 國衷艱難今日事起舞劍光紅

和劉雲生泛海卽景原韻兼懷斌友松即中

方濬頤 子儀

壯哉滄溟遊睥睨豪氣吐渺不見乾坤高下浪花舞火

輪奪天工風力暗中鼓化孤作舟楫對此首應備有客
乘槎迴友松奉使海上諸雪海快先睹友松言七月泛
光明混茫孰疏鑿堪傲神禹斧令我詩膽雄解后得今
甫君盍過訪之抵掌話樵魯

方濬師 子嚴

一卷新詩當水經雕搜風月徧滄溟樽前重話乘槎路
更憶天邊二使星謂克庵

碧海鯨魚掣電過水光如鏡夜無波菩提若解西來意
吸盡西江不覺多

二

龔自閔 叔雨

熙朝盛德徧懷柔使者乘槎作壯遊耳目不教方域限
儀容爭向畫圖求大稿有述來海國傳作詩仗君彩筆
題山海如讀奇書到滌陬九萬鵬程經足跡此行應詔
古無儔

陸仁恬 濬吾

漢使皇華第一篇乘槎何必數張騫島夷風景詩中繪
華夏人文海外傳曾與蛟龍爭道路親從圖記閱山川
歸來重話滄溟事程途在眼前

彭祖賢 子亭
鼓角樓船滄海經壯懷落落躍青萍十洲三島供詩料
吟到魚龍氣尚腥
喧傳星使降遐陬嘉果瓊漿禮節脩文教固知漸被遠
采風第一有誰儔

蔣彬蔚 子良

寰瀛以外疇閱覽萬里乘風美此遊異俗何妨存六合
豪吟真足壯千秋路逾方士求仙遠才較詞人賦海優
想見扣舷高唱日遙瞻北極是 皇州

三

潘曾綬 綬亭

黃塵赤日懶諸人閉門避熱自耽靜新詩一卷有仙意
置身已到清虛境君家兄弟不可當君尤矍鑠神飛揚
九萬餘里十七國珠光火樹雲迷茫太西算法推最精
地球自轉人未明君獨一言能破的悟出大氣包寰瀛
我 朝仁厚古無比力行勤儉戒奢靡使者忠信涉波
濤絕無懷柔從此始

海國勝遊草

襄平 斌椿 友松

大沽礮臺

百里津沽岸冰融瞬息過時冰甫泮雙臺環雉堞萬里靜鯨

波曲港藩籬固平沙保障多海口鐵板沙甚高如門限然烽煙久消

歇估客樂絃歌

示同舟客

久歷江湖五十春倦遊暫隱軟紅塵風波見慣渾閒事

海客休教做北人

海國勝遊草

過之罘島至烟台觀海樓潘偉如登眺觀察建山坊洋樓層層

山勢鬱崔嵬之罘入海來鯨人貨珠貝疊商舶聚集

氣幻樓臺島峙千屏列波平一鏡開登高思琢句恨乏

滿仙才

黑水洋大風

輪船創造非尋常測理精邃制器良洪鑪烈焰煮沸湯

異氣鼓動力莫當機括奧妙費審量頓使險阻成康莊

大君有命通入荒乘之飛渡黑水洋東海大風眞決決

布帆千尺兩翼張軒然巨波起空蒼鵠首出沒相低昂

矯如健鵠天際翔柁樓兀立神飛揚

上海東門外濱臨大江兩岸起造洋樓十餘里俗

呼洋涇浜

兩岸層樓接碧天綺窗雕檻闕新妍蜂房萬落高如許

想見阿房杜牧篇

郊衢平坦淨無塵士女閒來共踏春一陣輕雷聲隱隱

四輪車子載遊人

西國佳人畫不如細腰裊娜曳長裾異香撲鼻風前過

攜手同登油壁車

海國勝遊草

傅粉施朱總莫加天然顏色謝鉛華鶯聲歷歷人難會

不讓明皇解語花

寄楊簡侯表弟

五年林下縱清談策馬西陲我未堪君前歲奉命督辦慶陽糧臺今

日定教君艷美杏花時節在江南

海天高唱擅清新往歲君航海入都時著有天集詩一册挂席居然步後

塵十載不飛飛極遠欲鳴恐乏句驚人

鞍子局

舟出吳淞口煙波大小磯巨魚衝浪起白鳥貼人飛檣

影入空際杳樓明夕暉晚來過龕赭風景昔年非

過舟山

船如健鶻入雲間破浪乘風若等閒西望蒼蒼烟霧裡
榜人指點是舟山

昨由吳淞口放舟今日見海梁島已至閩海界

吳淞昨日挂輕蒲千里扶搖過海隅好似飛仙遊入極
朝離北海暮蒼梧

舟過閩省海口寄弟子廉名斌敏同治乙丑進士以知縣籤分閩省

昆季入書堂六人子最少稍長習文藝下筆何穎妙我

海國勝遊草

三

時北遊燕子撥富春棹壘聚鄉園我又赴嶺嶠雁影
每分飛愁聽驅歌調西江十九年喜聞弟名舉賢書幸
早登道光乙未泥金忻得報一官筮入閩牛刀當奏效
邑宰任非輕愛民守庭教今年通入荒奉命敢避誚所
喜道出閩聯牀快言笑風利不得泊緣慳豈能料書此
作面談待覓雙鯉到他日海外歸景物爲子告

二月十二日舟中玩月已出粵洋

萬里澄波靜不濶天風吹入客衣單胸中自覺無渣滓
碧海青霄放眼寬

越南國雜咏

道路隨傳天竺明使星昨夜到占城中華冠蓋今重見
齊說 恩臨海宇清地多閩粵人久不報天朝人物聞于來皆求一見爲快

王家累葉沐藩封海不揚波 帝道隆但使共球無失
職定教人壽歲時豐相傳國王受封後政事皆順否則天必降災云

白象烏犀錦障圍向陽門第敢巍巍王宮官府皆夏秋多風故屋宇甚低豈徒
崇儉卑宮室只恐秋風屋瓦飛

氈裘昨日甫離身揮扇今朝更脫巾莫訝炎涼容易換
途經萬里馭輿輪

海國勝遊草

四

野花夾道不知名淺紫深紅畫未成惟有木香風味好
十年心事憶邗城

瞥見鮮花供上方晚香玉共夜來香粵人造天后宮甚壯麗案頭供此二種
兒童更喜餐佳果橘子青青荔子黃

水邊瓜艇是儂家一髻低垂兩鬢雅生小絳唇無待點
嫣然一笑露紅牙俗喜食荔枝齒皆紫色人人然也

青衫短短髮垂髻跣足科頭一樣姿郎已及笄儂未冠
誰能辨我是雄雌男著髮多無髻女赤足不施簪珥戴笠眞莫辨雌雄也

四輪車走疾於風促坐臨牕面面空御者猙獰形可怖

女身斷髮鬢蓬鬆

十里馳驅道路長解衣揮汗到炎方村人知有相如渴

剖取椰漿勸客嘗草木狀椰樹葉如併欄高六七丈無枝實大如瓜有漿飲之得醉

肆樓小坐試烹茶異域遨遊興頗嘉饒口至今剛一飽

故鄉風味在天涯茶食有京師味

地處南交古越裳周時重譯拜明堂低徊上下三千載

此去誰乘萬里航

至新嘉坡

小兒劉木爲舟見商船擲銀錢海中則沒水取出

瓜皮艇子小於舟蕩漿兒童水上浮自古南蠻稱鳩舌

海國勝遊草

五

果然羣作語啁啾

一齊嬉笑躍深淵碎影中開水底天趨利從來真若鷺

不辭辛苦覓金錢

至印度錫蘭島

山陰道上記曾經雪白雙鵝戲綠萍儻遇右軍交易去

欣然定與寫黃庭

芭蕉結子碧離離椰樹成林拂翠絲景物不同須記取

橙黃橘綠仲春時

時橙橘新熟

古剎何年嶺上修貝多羅樹徧山頭愛聞旂菴林中味

一笑拈花天際遊

山有古寺

度世心勞苦海邊不如合眼且安眠寺中有恆河印度河沙數人無盡說法何能徧大千

二月二十九日黎明見輪船西來

朦朧曙色映朝霞四望空明興倍嘉忽見峭帆來異域

竟如故友遇天涯三更客夢添鄉思兩字平安寄我家

四萬程途剛及半憑君傳語到中華

泊舟錫蘭島客又增至三百餘人內不同國者二十有八不同言語者一十七國形狀怪異洵屬

海國勝遊草

六

大觀因與鳳夔九德在初俱籍諸人及三子廣英論山海經所載各國傳說已久非身歷不能

考證也率成長古

生平春拙安田疇讀書閉戶無他求惟有奇編貪不足

石渠天祿勤旁搜撐腸那得五千卷借觀時苦同荊州

邛環福地有日到百城坐擁輕王侯牙籤翠軸徒飽蠹

一編在手真忘憂讀萬卷書行萬里有志未識何年酬

壯歲饑驅不自主西瞻華岳東羅浮南登會稽臨禹穴

北至媧皇鍊石補不周

山西霍州有女媧所鍊補天餘石

精氣時欲騰

海國勝遊草

七

八極舟車所至隘十洲偶觀山經抱長歎掉頭思作乘桴遊瓜哇天竺儼可到縱橫四表開雙眸今茲同來大荒外地球正在西南陬天教大擴胞與量二十八國人同舟歧舌每每煩九譯一十七種言啁啾形狀詭異服色怪雕題長股如觀優列邦咸知重中夏免冠執手禮節修晨昏相見情誼洽頗同談笑雜歌謳凡人稟賦同此理所藏不恕終相尤豈必殊方始隔膜同室往往操戈矛情聯義合消畛域海外亦皆昆弟儔若云夏鼎鑄異物窮奇罔兩情難投貫胸羽民三面國傳訛已久今在不吾人讀書弗泥古矜奇炫異亦可休武成祗取二三冊亞聖斯言良有由

舟中有印度回教人往土耳其國拜教祖墓以祈禱者登舟病不能起三月朔圓寂舟例客死則投諸海聞有遺書以十二萬金遺其子某感此賦之

我聞古釋迦飛錫自伽藍佛名登大乘佛身遶涅槃興同教祖相衡亦異端舍近而求遠邀福往他山佛祖其有靈應保爾平安中道乃竟卒賁志苦未完葬身在

魚腹淨土焉可攀吁嗟乎奪却烏鳶與螻蟻禪心乃被滄溟洗惜哉捨身不捨財遺賫未聞濟鄰里

上巳日將至亞丁偶成

海國春晴久風和上巳時碧波平似掌新月廣於眉鳥倦檣頭集魚貪柁後隨舟人以餘糧餵海中巨魚多有追食蒼蒼千里濶佳景幾人知

至埃及國都即麥西國地名改羅初乘火輪車

輪車之制首車載火輪器具火然水沸氣由管出激輪行次車載石炭及御者四五人後可帶

海國勝遊草

八

車三五十輛車廣八尺長二丈有奇分三間每間兩旁皆有門窗嵌以玻璃設木炕二鋪設厚軟華美爲貴客坐也次則載行李貨物又次則空其中載木石牛馬駱駝各物皆用鐵輪六前車啟行後車銜尾隨之一日夜可行三千里然非鐵路不能

宛然築室在中途行止隨心妙轉樞列子御風形有似長房縮地事非誣六輪自具千牛力百乘何勞八駿驅若使穆王知此法定教車轍遍寰區

雲馳電掣疾於梭十日郵程一刹那回望遠峰如退鵝
近看村舍似流波千重山嶺穿腰去百里川原瞥眼過
共說使星天上至至乘查真欲泛銀河

古王陵 在改羅西三十里

航海逾五旬又蠟遊山屐未明戒徒御策蹇歷田陌行
見村舍稀黃沙少人跡古塚巍然存高高四千尺北向
有墓門薜花埋洞額不知何王陵烏篆捫斷碣土人勸
客進篝燈照幽窟深入二里遙蛇行覓空隙中有石棺
存扣之韻清越翁仲卧千年蒼然土花碧

海國勝遊草

九

十二日往地中海途中見刈麥

東阡西陌集成羣餉飯村娃着短裙麥隴香來聞餅餌
腰鎌處處刈黃雲
農家一樣緣成圍擔榼提壺出短扉更有似曾相識客
雙雙燕子貼波飛

至馬塞 法國海口樓閣連雲皆高七層用煤氣然燈萬盞交

輝街市如晝

到處光如晝異同不夜城珠燈千盞合火樹萬株明晝
檻雲中列香車鏡裡行夜遊須達旦何必問鼉更

二十日申刻由馬塞開車至里昂 行八百里

半日飛車疾行程入百遙樓臺插銀漢燈火出林梢紫
陌塵全洗 街道兩旁皆石溝逐日洗濯清泉珠亂跳 當途設有水法激水噴射遊觀者至夜不絕館人勞款接引客上層霄 萬樓極高

德侯 理文以譯唐詩一冊見贈賦謝

海外逢知己清談意倍親開編追往昔厭俗謝朝紳
君 壽不樂進微恙勞頻視新交等故人客途持此册欣喜比
懷珍

二十二日戌刻由里昂登車未明卽至巴黎斯 法國

海國勝遊草

十

都名計程千里街市華麗甲於太西

康衢如砥淨無埃駿馬香車雜巡來畫閣雕欄空際立
地衣簾額鏡中裁明燈對照琉璃帳美醢頻斟瑪瑙杯
醉裡不知身作客夢魂疑是住蓬萊

入門問俗始稱奇事與中華竟兩歧脫帽共稱修禮節
坦懷何用設藩籬簡編不惜頻飛瀾瓜李無嫌弗致疑
最是綺紈長掃地裙裾五色歎離披

書所見

出門遊女盛如雲陣陣衣香吐異芬不食人間烟火氣

淺巴菰味莫教聞西俗最敬婦人
吸煙者遠避

白色花冠素色裳縞衣如雪履如霜旁觀莫誤文君寡

此是人家新嫁娘太西以白爲吉色婦女服飾
多用之新昏則偏身皆白矣

柔荑不讓碩人篇一握方稱禮數全疎畧恐教卿怪我

並非執手愛卷然相見以握手爲
敬不分男女也

西洋照像法攝人影入鏡中以藥汁印出紙上千

百本無不畢肖于來巴黎法國倫敦英國
畫師

多乞往照人皆先親爲快聞有以重價赴肆購

買亦佳話也

海國勝遊草

海隅傳徧使星過紙繪新聞萬本多太西各國日印新
聞紙數十萬張

中夏衣冠先觀快化身頃刻百東坡

意匠經營爲寫真鏡中印出宰官身書生何幸遭逢好

竟作東來第一人

團扇當年畫放翁家家爭欲觀儀容近來海國傳佳話

不惜金錢繪友松

戈軍門登操常勝軍佐中土戎事迭著戰功于四

月至英都承見訪且邀赴五拉車官舍小酌卽

席書贈

不謂天涯客相逢樞素心威名華夏震交誼海雲深戰

功卓著中
外咸仰園裏朱櫻摘尊中綠酒斟殷殷談往事不覺

動長吟

將軍司武庫昆季位通侯令兄司軍器局重任
也邀至官舍宴樓上宴客金

尊設席設李少奎
官保贈銀壺論功繡服酬君以賜衣圖易
余照像用志交好一簾

花雨潤是日四壁陣雲秋
微雨壁懸歷他日旋京國交情憶

此樓

四月二十三日英國君主請赴宴舞宮飲宴

鎮殿將軍執戟矛繡衣金甲毳毼登森嚴官闕人難到

海國勝遊草

羽隊齊排五鳳樓

玉階仙仗列千官滿砌名花七寶欄夜半金鑪添獸炭

瓊樓高處不勝寒

何期身到大羅天仙樂聲飄下界傳樓上作樂
殿上燭龍光

四照珠燈萬盞紫霄懸殿宇之大可容千人懸燈
入千六百餘盞光勝白晝

儲貳英名海國聞衣冠儒雅亦溫文殊方解敬中華使

異語謙光迥出羣世子年弱冠甚文
雅與如同見客

筵開方丈酒盈尊卜夜還同卜晝論百隊仙姬齊侍立

玉妃親自問寒暄是夜男婦有官爵者
入官裏舞計逾千人

長裾窄袖羽衣輕寶串圍胸照眼明曲奏霓裳同按拍
鸞歌鳳舞到蓬瀛

仙厨珍品綺筵排佳茗頻斟瑪瑙杯三百萬箱中土產

嫩芽妙選一旗開

海關存茶三百萬箱

大棗如瓜千歲桃玉盤王母賜蒲萄歸來誇向同人說
能到瑤池已足豪

四月三十日夜瞞者斯

都北大鎮

登車次早即至倫敦

計程六百里

瞞者歌笙歌

是日鄉官也姓約觀劇

登車夜已半形制類厥軒卧

海國勝遊草

三

榻環四面地主送客歸欬枕我亦倦御者整器具膏車

然石炭初聞風嘯聲俄傾似飛箭前車如兔脫後乘亦

魚貫對床尙高談不作撫髀歎忽聞入山腹輕雷來耳

畔有時過村鎮燈火似奔電迨度倫敦關雞人甫戒旦

瞬息六百程飛仙應我羨

五月初二日伯爵得君夫人招飲

愛客推豪俠相延入畫樓紅粧調杏酪翠色泥茶甌羅

綺皆嬌麗門楣盡列侯更聞仙樂奏花裡擊擊球

時女客皆

赴園中

包姓別墅

包總辦官戚友婦女均來看視

美酒蒲桃玉手傾彩球擊罷態輕盈柔荑新浣薔薇露

自擘瑤箋錄小名

彌思

譯言女兒也

小字是安擘明慧堪稱解語花噫噫鶯聲

誇百轉方言最愛學中華

絕世佳人塔木森細腰善舞綠楊陰怪他蝴蝶隨人至

折得花枝代客簪

笑靨生春葛得蘭丰姿葦粉玉珊珊自言不泥輪迴說

約指金環脫與看

西俗婚期主教者于女金環戒勿脫違則不利云

海國勝遊草

古

十二日航海赴荷蘭國

舟發倫敦酒未闌黑甜鄉裡破狂瀾朝來洗眼憑窗看

旭日晴波到荷蘭

西洋女多美麗惟髮有黑與黃赤之不同近又以

白色爲貴昨見公會中命婦白髮者十居二三

詢係染成者

多蘇格蘭人

始射仙人下廣寒雪花如掌壓雲鬟素添兩鬢霜千縷

白到纖眉月一彎誤認令妻爲壽母怪他鶴髮被童顏

不須海外尋螺黛寶髻低垂照玉山

伐毛洗髓記仙經分得姮娥貯藥瓶不日白乎真箇皚
皚然黑者化星星從茲毫髮應無憾始信刀圭別有靈
白首如新嘉偶配駐顏預卜享遐齡

十四日住拉黑

荷蘭南都地名

赴北海濱看日落

落日照長隄遊人出郭西碧連霄漢迥紅入海天低霞
影烘樓閣潮聲雜鼓鞀地有樓閣數座樂工奏樂爲遊人憩息宴飲之所歸途
明月上深樹晚烟迷

十六日赴安特坦

荷蘭北都

見用火輪浪亞零海水法

極精巧

舊爲海水淹浸用此法已涸出良田三十餘萬畝

海國勝遊草

三

荷蘭自古擅名都滄海桑田今昔殊處處紅橋遍畫舫
灣灣碧水界長衢品簾十里開明鏡壁月千潭照夜珠
創造火輪興水利黍苗綠徧亞零湖

安特坦長河數十道每河兩岸皆築高樓以河水

爲街循天下無此奇景且處處樓閣精麗雕欄

百尺影入清波儼然圖畫

四圍樓閣畫圖中影入長河上下同忽聽鶯聲高處囀

美人粧罷啟簾櫳

寓樓卽景

海國勝遊草

樓榭連雲起雕欄照水明畫船隨處泊每河大小船甚多處處可泊
人在鏡中行

十里珠簾卷虹橋影正圓

通城有橋七百五十座

綠陰深樹裏搖

出賣花船

昨觀火輪浪水偶題七律一首已入新聞紙數萬

本遍傳國中今日遊生靈苑所畜珍禽異獸甚

多長官具中華筆墨索題走筆

還方景物倍鮮妍得句頻聯翰墨緣今日新詩纔脫稿

明朝萬口已流傳

海國勝遊草

其

十八日夜登輪船海濱有奏樂並烟火戲

聒耳笙歌月色新樓臺高下集遊人彩雲五色當空見

火樹銀花照海濱

十九日陰雨竟日舟中寂坐與

鳳夔九德在初談詩

海氣濛濛雨明窗遠景奇品茶添逸興相與細談詩

佐酣博爾樓

此身疑是到瀛洲兩岸垂楊四面樓無數畫船烟水裏

六橋風景似杭州

次日陰雨

雨絲風片一溪烟烟雨迷離接遠天疑是鴛鴦湖畔住
幾行鷗鷺逐遊船

威稅司

名立士爾博爾國
人會充中士稅司

樓上聽夫人並阿姨琴

曲

主人情重倍相親佳果香醪次第陳難得亭亭賢內助
瑤琴一曲代留賓

阿姨年紀正芳齡宛轉歌喉把盞聽好似湘靈水鼓瑟

曲終湖上數峰青

樓臨大湖

二女以小照相贈

海國勝遊草

花

新月纖眉細柳腰丰姿綽約態難描歸帆載得江東去

不數當年大小喬

二十日至呵奔黑根

丹麻爾國都

看美人馳馬

霓裳翠被戴花冠駿馬嘶嘶萬眾看紫燕綠螭

西京雜記漢文

帝得九來漢廐雪膚花貌降仙壇千番險幟頻驚目百

種嬌嬌穩坐鞍

婦女馳馬皆長裾側坐

碧眼胡兒應咋舌定疑神

女駕青鸞

次夜復見此女易玄裳馳驟

西國佳人善馳馬整衣起乘神閒雅千人拍掌競稱奇

嬈嬈丰姿燈影下

諸戲皆夜演

凝眸審視非尋常昨衣綺素

今玄裳疾馳百轉響在手矯如隻鶴雲中翔

二十五日夜住雲居平次日至瑞典國

昨發丹麻爾今日至瑞顛揚帆出海口百里如遊仙易

車東北行疾馳無庸鞭夜至雲居平層樓高接天衆稱

使星過聚看多未眠聞茲山水秀靈氣鍾嫵媚貂裘籠

素手丰致真嫣然曉起寒更冽盛夏衣裝棉長湖足娛

目草木胥秀妍停車入村店餅舖尙新鮮當爐有佳人

勸客沽飲便御者趣行急忽遽償酒錢未睡入都會記

海國勝遊草

六

里逾二千

見瑞典國王弟

位冠羣僚太弟尊治平嘉政贊邦君溫言優禮春風度

謙德遙傳異域聞

呈瑞典國王

時在王宮遊覽
飲酒卽席書呈

珠宮貝闕人間少水木清華處處幽五萬里人欣富目

歸帆傳頌徧齊州

書扇呈瑞典國王妃

羽林仙仗列瑤臺臨水軒窗面面開盛蕤離宮真異數

君王親舉紫霞杯

荷蘭公主重詞章几案常聞翰墨香稱說使君題句好

詩名早已頌椒房妃爲荷蘭國公主予在荷題咏新聞紙早已到官故見時卽云承詩贊咏

做邑有光矣

地臨北極晝常明夏日人來不夜城遠到銀河開眼界而今真作泛槎行

觀大魚

魚長六丈好事者取其皮爲舟可容百餘人覆以氈厦登樓度橋由魚口入設門檻几榻其中

海國勝遊草

七

儼然巨艦

巨魚聞說可吞舟皮化爲船六丈修今日九人魚腹坐宛然游泳在中流

有滴水於玻璃用顯微鏡照影壁上見蜎蟲千百

遊走其中滴醋亦然蚤虱大於車輪毫髮麤於

巨蚌奇觀也

野馬窗前飛醯雞甕中舞照壁見蜎行鄉心動一縷君看一粒粟世界現須彌有國稱蠻觸莊生豈我欺

六月初一日見瑞典國太妃

輪船行三刻許距城約四十里

西池王母住瀛洲十二珠宮詔許遊怪底紅塵飛不到碧波青嶂護瓊樓

初四日泊舟芳蘭登岸赴園一遊幽靜可喜晚至

湖濱泛小舟采蘋花時子刻天尚明

水轉峯迴處林深曲徑通蘋花雙槳外唳鳥四山中石鱗蒼苔補樓尖夕照烘勝遊真不夜朝旭海門東

富姓樓上作

有客約登樓環居地五畝情誼何殷然酌我蒲桃酒窗外種白榆盤中堆雪藕北望是冰洋寒氣欲入牖半年

海國勝遊草

十

爲白晝到此緣非偶眺望未逾時村鄰集男婦聞有中
華人問訊來恐後談言重譯通言旋時過丑明日太史書客星犯牛斗

初五日由波羅的海至俄羅斯礮臺

開十年前英法兩國兵船

攻礮臺不克始還議和

虎踞龍蟠勢雄都鎮朔方檣帆叢海溼樓閣燦斜陽膝薛難爭長齊秦定頓頤三臺軍火壯恃此衛金湯

至彼得爾堡看操兵見王弟王子

巨礮聲驚百里雷陣雲陡起馬衙枚書生豈解談兵畧

也許登壇闕武來

行館水法共三十一處每處有水管百餘激水直

上高十五六丈如玉柱然水飛灑於池內潑玉

跳珠旋自消滅不溢也太西谷都罕有其匹孔

君

名氣駐中

奉相國命導予遊各宮院皆極華

麗而水法甲天下矣

水法奇觀天下罕聞中掘地埋銅管機括激成十丈高

冷氣颼颼院庭滿千尋瀑布懸寒濤百道飛泉珠亂跳

別苑離宮三十六晚涼處處不須招

海國勝遊草

王

初十日孔君送行書以留別

同登金碧夕陽樓難得相逢共勝遊明日萊尼河

布國境

外路思君定似隔三秋

自雲居平至俄都兩旬之中夜半天色尙明聞仲

夏終夜見日光信乎半年爲晝不虛也

十二時中日色明五千里內照行程晨星落落尋難見

晝漏迢迢聽最清駒影已升樓百尺雞人正報夜三更

朝陽竟夕留鴉背何必焚膏對短檠

纔看夕照挂樓尖條見晨霞映畫檐繡幄不須燒絳蠟

長空何處覓銀蟾

夏間月行南陸北地不見也

抱衾誰咏宵征肅擊

柝無勞夜禁嚴惟有冬來愁晝晦可能天日總曠炎至

前後半年爲夜不見日光矣

月前在瑞典會以詩扇呈妃茲至伯爾靈

布國承

寄照像見答因賦

開絨奕奕見真仙珠玉光輝下九天何幸瓊瑤報芹獻

歸裝珍重好流傳

不信遊蹤近北辰乘查直到斗牛津天孫親與支機石

形管標題惠使臣

海國勝遊草

王

住伯爾靈見布國妃

侍女擎裳啓闕門宮庭肅穆淑儀尊兩行燈燭珠簾捲

氣度謙光語意溫

寡君軍旅正殷繁欲賦緇衣未返轅難得中華星使到

好將風景采輶軒

與太西人談地毬自轉理有可信

漢時鑄儀象璿璣用以傳七政屬右轉天體實左旋穹

窿大無外其象難窺瞻何得日一轉終古無息肩西法

近愈邃乃云殊不然地毬係自轉一日一周天聞茲初